



Pretresena kuća Armina Ćuluma

**"Zaljubljeni mladić": Takozvanom metodom zaljubljeni mladić uvukli djevojke u prostituciju. Prijetili nasiljem ukoliko neka od njih ne bi pristala**

Danica POPOVIĆ,  
Dejan SAJINOVIC

SANSKI MOST, ŠTUTGART - Međunarodna policijska akcija "Ezel" s 900 policajaca, koja je sprovedena na području BiH, Austrije i Njemačke, zadala je težak udarac organizovanoj kriminalnoj grupi, koja se bavila trgovinom ljudi i prostitucijom.

Kako "Nezavisne" saznaju, u sklopu ove akcije pripadnici Državne agencije za istrage i zaštitu BiH (SIPA) pretresli su kuću Armina Ćuluma u Sanskom Mostu, a kojeg sumnjiče da je pripadnik ove kriminalne grupe.

"Prilikom pretresa, policija Ćuluma nije zatekla kod kuće. On je lice iz kriminalnog miljea, a za njim je njemačka policija prije više godina raspisala međunarodnu potjernicu zbog organizovanog kriminala i utaje poreza", kazao je naš izvor, dodajući da je Ćulum tada izbjegao hapšenje i došao u Sanski Most, gdje je kupio kuću te se posvetio ugostiteljskom poslu.

Iz SIPA su saopštili da su tokom pretresa privremeno oduzeti predmeti koji mogu poslužiti kao dokaz u daljem postupku te će biti dostavljeni



Mamacu im bile djevojke koje su imale manje od 21 godina

FOTO NN

**BIRALI  
ŽRTVE IZ  
SIROMAŠNIH  
ZEMALJA**

MEĐUNARODNA POLICIJSKA AKCIJA "EZEL" SPROVEDENA NA PODRUČJU BiH, AUSTRIJE I NJEMAČKE

# Nude ljubav i brak pa gurnu u prostituciju

Sudu BiH na dalje postupanje.

Kada je u pitanju Njemačka, tamošnje policijske snage u nedjelju su upale u četiri velika bordela, pet poslovnih prostora, 28 stanova i 14 vozila. Kako pišu tamošnji mediji, uhapšena su tri muškarca i dvije žene starosti od 21 do 49 godina. Policija je takode zaplijenila novac, računare, hard diskove, poslovne knjige i jedan pištolj.

Uhapšeni su bili uključeni u uvlačenje žena mladih od 21 godinu u prostituciju koristeći takozvanu metodu - zaljubljeni mladić. Metoda se sastoji

od toga da su mladići iz ove kriminalne grupe birali djevojke iz siromašnih zemalja, među kojima je i BiH, da bi sa njima započinjali ljubavne veze, obećavajući im brak. Za-

tim bi, kada se djevojka zaljubi, praveći se da je izvlači iz finansijskih problema, gurnuo u prostituciju. Takođe su prijeteći nasiljem da bi natjerali mlade žene da se nastave prodavati za seks. Kada ove metode nisu davale rezultat, mnoge djevojke su, od kojih su većina mlade od 21 godine, silom tjerane da se prostitušu.

Njemački mediji javljaju da se među petnaesticom osumnjičenih za regrutovanje mladih djevojki, koji pripadaju neformalnoj kvazi-rokerskoj grupi "United Tribunes", nalaze i državljani BiH.

## PRETRESENE LOKACIJE

Baden-Virtemberg

20 OBJEKATA

Bavarija

2 OBJEKTA

Nordrajn-Vestfalija

1 OBJEKAT

Zerland

3 OBJEKTA

Rumunija

2 OBJEKTA

BiH

1 OBJEKAT



**OSUMNJIČENI**

**Ukupno 15 osoba  
sumnjiče za  
regrutovanje  
mladih djevojaka**